



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.



Пренумерата в краю:

50 грошей місячно,

2.50 зл. полрочно.

5 зл. рочно.

В Америці: 1 дол. полрочно.

2 дол. рочно.

В Чехословакии:

3 кор. місячно, 15 кор. полрочно,

30 кор. рочно.

Контó чекове Нр. 404.155.

Война в Полудневой Амерыці.

В Полудневой Амерыці иде завзята война медже двома державами Боливиом и Парагваем. Войска парагвайскы взяли боливийску кріпость Елькарменуи 7.000 войска боливийского до неволі. Пепало в их руны также 8 армат и величезный военный материал. Отділы войск боливийских, отступаючи перед парагвайскими войсками перешли на территорию Аргентины.

Комитет при Лигі Народов в Женеві, зани-

маючий ся ділом конфликта медже Парагваем и Боливиом ухвалил предложити обом воюющим сторонам, штобы они перервали военны дійствия под контролем комитета, зложеного с представителей держав сусідных. Цілу справу, по тому проекту, розслідит Лига Народов и выдаст заряджене. Против державі, котра не приняла бы того зарядженя, будут приняты принудительны міры.

што англійске правительство перечит той вієти. Але на того сут тайны договори, штобы им перечити.

Союз японско-німецкий.

Газеты с Токио заповідает приближене Німеччины и Японии. До Токио приїхал ряд новых корреспондентов німецких и приїзд тот має мати звязь с узнанем Манджурии через Германию и с заключенем охоронного союза медже Японией и Німеччином. До того союза стремят обі стороны. Япония закупила в Німеччині 3 новы цебелины для удержания коммуникации медже Японией и Сингапоре, што ест также доказательством приязни. Переважат однак міне, же Япония на жеде на результат переговоров морских медже Америком и Англиом и лем по уконченю тых переговоров, розважит свои отношеня до Німеччины.

Тайный договор английско-француско-бельгийский.

Дня 11. листопада принесли газеты сензацийну вієть, же Англия, Франция и Бельгия заключили медже собою тайный военный договор, в силу котрого тоты державы обовязали ся на першу атаку со стороны Німеччины подучити вшиткы свои авиационны сили под одним начальством в цілі общої охоронной акции.

Вієть тоту зареєстровала агенция Гаваса без коментарей со своей стороны. Лем на другой день Агенция донесла с Лондону,

Прогулка до Варшавы.

В днях от 9 до 15 листопада т. р. урядил Туристичный Виділ при Министерстві Діа Войсковых прогулку для жителей гор до Варшавы. В прогулці той взяли участь гуралі, лемкы, бойкы и гуцулы. Всіх участников прогулки было 1.000. Они мали свой специальный поїзд зложеной с 15 пультмановских вагонов. Участники оглянули Краков и его историчну старину, копальні соли в Велиці, котра на участниках зробила величезне впечатліне, потом выїхали до Варшавы, где присутствовали при реви и дефиліаді войск, котру привимал г-н Маршалек Пилсудский. По обіді отдали участники честь г-ну Президенту и г-ну Маршалку, а слідуячого дня оглянули зоологичный сад, королевский замок, бельведер и важніши будинкы Варшавы. На поворотном пути оглянули участники монастыр в Чанстохові, тугы желіза и копальні угля на Шлеску и Державну фабрику штучных навозов в Мосцицах. Прогулку встречали всяди войсковы, горничы и городскы оркестры и принимали ю представители мієт и войска сердечно и гостеприемно, што выхикало у участников мило настроєне.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“.

Як мають виглядати наши села,

если хочеме, штобы до нас
приїзджали літники.

В попередном числі „Лемка“ писало ся о том, што Лемковский Союз поробил стараня, штобы привлечи до наших сел як найбольше число літників, котры бы привезе к нам до нас грошми оживили наше господарче жите.

Хотячи однак числити на оживлене туристичного движеня в наших селах, не вистарчит лем самой реклямы, правда добре сорганізована и систематично переведена рекляма значит барз дуже, бо с реклямы довідуют ся широкы круги людей о наших прекрасно положеных селах, о наших ріках и лісах и о наших жередах, але кромі реклямы и оголошеня потреба конечно, штобы наши села и хаты выглядали чисто и мило и штобы тоты люды, котры в першом року приїдут до дяного села на основі оголошеня и реклямы, нашли в том селі выгоду и прожили там весело, бо втотчас наши села найдут в тых людях другу, живу рекляму, котра привлече до наших сел значно больше людей с мієт, як рекляма паперова.

Штож отже треба нам робити, штобы люды с мієт приїзджали до наших сел каждого року и в великих масах?

Штобы дати отвѣт на того пытанє, треба конечно призадумати ся над тым, чого требуют люды с мієт, котры приїзджают в літі до села на отдых. Передовсем найрадше виїзджают они до тых сел, в котрых находит ся уряд почтовый, телеграфичный и телефон и до котрых провадит добра, бита дорога. Тоты вшиткы требованя сут независимы от волі наших людей и в том напрямі мы сами не можеме нич зробити. Ціла работа наша ту мусит ограничити ся лем до старань у повітових властей, штобы они приступили до поправки и будовы новых дорог.

Кромі того літники хотят найти на селі ріку, в котрой могли бы купати ся, а также недалеко от села положеный и приступный ліс чатинный, где бы могли отдыхати свіжим, живичным воздухом. И тоты услевия дал лем дакотрым селам Всевышний Сотворитель, а мы сами не в силі спривадити до нас ани ріку, ани чаруючих полян и лісов. Але в нашой лемковской закутині ест много таких

прекрасно пожежених есел с текучима рвучима, чистима водами рік и потоков, окружених чудними, пахнячими лісами и именне тоты села мають всі условия притягнути до себе тоты великы ряды міщан, жаждучих спокою и отдыха.

Села тоты можуть поднести ся економічно, але мусят конечно сами постарати ся о тото, шобы літникам было у них добре.

Люды отже мусят дбати, шобы удержати свои загороды чисто. Гной мусит містити ся в бетонowych долах, накрытых дошками. Перед домами треба урядити загородкы с цвітами а за домом розвести овочовы сады. Двор чисто заметений, в нем оцимбрована студня с ведром, коло стіны дома лавочка, для гусей загороджене місце за стодоном. Сама хата так само чиста, побілена с великими окнами, в окнах муслинова сітка, предохраняюча перед мухами, в сінях мішок для вытертя ног, в кухні чиста посуда. Газдыня мусит уміти варити чисто и смачно, запарити чай, скыпятити молоко, зварити казу, яйця, мясо, ярину, удержати чисто молоко, сыр, масло.

В домах, где живут літники, треба заховати ся тихо и спокойно, особенно в часі, коли літники спят. Не можна забывати о том, же они сут нашими гостями, котры приїхали на отдых и в ціли набраня сил до дальшого труда. Они опят звичайно долше от газды и в том часі в хаті не можна кричати, ани тоячи ся, бо тото непокоит літников и не причинят ся до поправы здоровья. Для літников треба быти все любезным, привітливим и услужным, бо лем втотчас, коли они увидят, же домашни относят ся до них жичливо и прихильно. Будут ся чути добре.

В Швайцарии сут специальны школы, в котрых учат молодеж, як треба поступати с туристами, шобы их притігати до себе. В тых школах найважнішим правилом ест, же „гость має все рацию“. Ему признают рацию аж и втотчас, коли он провинил ся в дачом, або вимагат дачого емішного, бо швайцарцы знают о том, же лем так поступаючи, будут мати все у себе чужих людей, котры оставляют у них гроши. И напавду так ест, ціла скалиста, с высокых горах, неуроджайна Швайцария жие лем с приїздающих там туристов и жие лучше, як у нас.

Села, до котрых приїждают на літо туристы, мусят старати ся о тото, шобы люди достали в селі вшитко, чого потребуют до прокормления себе, отже мясо, дроб, сыр, масло, сметану, молоко, ярину и овечи. О тоты припаевы повинни старати ся кооперативы в тых селах, то и они можуть отжити.

Тепер приготавливают влаети специальный закон туристичный, который даст право начальствам громад поберати от літников малы оплаты (таксы). Тоты таксы будут употреблены на поправу дорог и на работы, котры дадут больше выгоды літникам.

Села, котры числили бы на приїзд до них літников, най уж зараз перешлют до администрации „Лемка“ выказы, килько могут помістити у себе літников опис села и всего, што в селі находит ся (ріка, ліс, кооператив, лісничовка, почта и т.), Добре было бы переслати также фотографичны снимки домов, гор, урвищ лісов и т. д.

Пару слов о кутю коней.

Продолжение.

Тота велика печальность о рациональное куте має свое основание в том, же копыто коня не ест мертвым рогом, як то ся на око здає, але ест то часть законченя барз прецизійно збудована, в середині котрой находят ся кости, вязаня, стагна, нервы, сосуды кровенесны, сосуды лимфатичны и ткань роготворческа. Неотвітне куте коней шкодит не лем самому копыту, але и цілому законченю и причинят ся до выкликания хвороты кости копытовой, запаления стегна, творения наkostenяков, калічення ся (штрихованя) роспадания пушкы копытовой, знеформення, рака стрілки и т. д., котры то хвороты ведут часто до невылічальной кулявизны и обнижения вартости коня уж в 3 року жия.

Некористна конюнктура (условия) для оелян в послідних літах, низка торгова ціна коня и недостаток отвітно вышколених подкувачей стали ся причиною, же коні тепер так на селі, як и по містах, по причині неотвітного кутя, мають звичайне ріжны хвороты копыт и стають ся тым самым без вартости, а часом и не до ужитка.

Периодичны перегляды коней выказуют, же около 60% коней має вады копыта, а тоты вады утворили ся через неотвітне куте коней, кутых людьми невышколеними.

Ту треба додати ище, же рациональное куте коней и плекане копыт, мають значене не лем предохранительне перед послідствами, походячими с неотвітного кутя коней и выступаю-

чими в виді ріжных хворот копыта и законченя, але также оно лічит и устранят вроджены вады копыт.

Хотячи устранить вады копыт коньских и поднести годовлю коней, котра має для селянства и охороны державы велике значене, Воеводский Уряд Краковский заинициовал устройство 3 місячных курсов цивильных для кандыдатов на подкувачей коней при формации войсковой в Кракові, на котрых ученикы достанут всесторонне приготовлене теорытичне и практичне в области кутя коней.

Перший такой курс ест организованный с рамени Краковской Рольной Палаты инспектором ветеринарии Д-ром Смолинским, начал ся 15. листопада т. р. в войсковой амбулатории ветеринарийной под управительством майора, лікара ветеринарии П. Заверухы, который разом с лікаром ветер. Выпыховским буде выкладати на тых курсах в области подковництва и хворот копыт.

Велику заслугу в организации курсу кутя коней отдало Начальство Округа Корпуса Ч. 5. в Кракові, котре поспішило с помощю в виді отданя до диспозиции курсу так людей, котры будут учить на том курсі, як и кузні, урядженя кватер и прокормления участников курса.

Организаторам належит пожелати як найліпших результатов труда.

В послідних часах многы наши читателі звертали ся о точны информации в ділі льгот в уплаті долгов. Удовлетворяючи тото требоване читателей, подас редакция комунікат в ділі отдолження господарств сельских.

КОМУНИКАТ Воеводского Бюро діл Финансово-Рольных в Кракові в ділі отдолженьевой анции господарств сельских.

Правительство, децінючи, удержуюче ся пожежене финансове господарств рольных в теперешних условиях крызыса, выдало в дополненю дотеперешних законов, маючих на ціли отдолжене господарств сельских, чотыри новы распорядженя в ділі отдолження рольного.

Распорядженя тоты появили ся в Дневнику Законов № Н-р 94. оголошеном дня 28. жолтня 1934 р.

Приступуючи до обговорения свіжо выданных распоряджень отдолженьевых, высуват ся распоряджене с дня 24. жолтня 1934. р. оголошене в Дневнику Законов под поз. 841. о конверсии и упорядкованю рольных долгов на перше місце тому, бо ест оно дополненем переписов дальше обовязующого закона о урядах „роземчих“, котры то уряды выявляли ся належито с анции отдолження рольников, приносячи им льготы в сплаті долгов в рамках обовязующих переписов.

Распоряджене тото передовсем:

І установлят понятие

а) рольного долга.

Долгом рольным ест долг владільца сельского господарства 1) который ест в звязи с купном, або веденем такого господарства, 2) который походит с перуны без, вглядя на

тото, в какой правовой формі дано тото поруку.

б) господарства сельского.

За господарства сельскы тото распоряджене уважат господарства рольны, лісны, огородовы, насінны, годовляны, пасічны и рыбны, а за посідачей тых господарств их владетелей, арендаторов и хоснователей.

Заведеня и вартаты промысловы ведены в области тых господарств, уважат ся за их складову часть.

II. ділит господарства сельскы на три группы А, Б. и Ц. и постаналят же

1) господарствами группы А сут господарства о пространстві, не превышающем 50 гектаров.

2) господарствами группы Б. сут господарства о пространстві, не превышающем 500 гектаров. Министры финансов и Рольництва и Реформ Рольных могут в дорозі распоряджень зачислити в поодиноных округах до господарств группы А также господарства от 50 гектаров до 100 гектаров, а до господарств группы Б также господарства о пространстві от 500 до 1000 гектаров.

3) господарствами группы Ц. сут господарства о пространстві превышающем 500 гектаров, вглядяно 1000 гектаров. Господарство огородовое, ведене в цілях торговельных на



пространстві до 50 гектаров може бути зачислене постановленем уряду „роземчого“ го групи „Б“.

Роспоряджене того признає: для долгов и прыватных кредиторов, посідачам господарств сельских групп А и Б за исключением арендаторов господарств сельских не подпадающим переписам о охороні дробных арендаторов, слідуєчи льготы:

І С силы самого права: роскладат заплату прыватных долгов, повсталых перед 1. липня 1934 р. котрых термин платности уж минул, або наступит перед 1. цвітня 1935. разом с отсотками залежыма належностями, усталеныма на день 1. листопада 1934. р. на 28 рат равных, платных 1. цвітня и 1. жолтня каждого року и перша с тых рат припадат на день 1. цвітня 1935. Розложено на 28 рат, платных в тых самых терминах подпадають также долги, котрых термин платности были назначены укладами и постановлениями урядов „роземчих“, хоцбы тоты термини принадали по дні 1. цвітня 1935. р.

Проценты от розложенных на раты долгов обнижено на 30% от старочно и платны сут с долу при ратах. Такы самы льготы обнимають также долги ипотечно обезпечены.

Признаны льготы мае право Уряд „роземчий“ в случаях предвидженных законом на внесение кредитора змінити, або аж и цілком внести, если:

1) узнат, же возможность платника и возможности господарчи должника позволяют ему сплатити долг на условиях, користнійших для кредитора

2) же долг повстал с тытула отшкодования.

3) же должник ухудшат річове обезпечение, або другим способом уменьшат безпечность вірительности.

Роспоряджене того предвиджує также рыгоры:

а) для господарств сельских группы А. Если посідач господарства группы А. не заплатит двох безпосередно по собі наступующих рат разом с платныма при них препенатами, долг стає ся платный сейчас в цілости, але лем в тотчас, если высота рат постановлена была урядом „роземчим“, або его предсідательом, або судом.

б) для господарств сельских группы Б. Если посідач сельского господарства группы Б. не заплатит двох безпосередно по собі наступующих рат, долг стає ся платный сейчас в цілости. Уряд „роземчий“ выше предвиджены льготы с силы самого права для господарств сельских группы Б. зане на внесение заинтересованой особы, если задолжене посідача господарства перевысшат 75% отаксованой вартости господарства.

II. через уряды роземчи. В случаях, в котрых с силы самого права не наступат розложение уплаты рольного долга и понижение процентов, прислугує право урядови роземчому:

1) Постановити термин, або терминны уплаты долга также с розложением на раты на час неперевысшающий 14 літ.

2) Понижити маєтковы користи за час от 1. листопада 1934. до стопы не низшой як 30% але и не высшой як 4 1/2 0/0 от старочно.

Урядови роземчому признано отже право до признания льгот господарам группы Ц., если задолжене тх господарств в пропорции до вартости маєтку не перевысшат в господарствах о пространстві от 500—1000 гектаров—50 0/0, о пространстві от 1000—2000 гектаров—40 0/0, а о пространстві понад 2000 гектаров—30 0/0.

Если однак в господарствах группы Ц. о выше поданных пространствах задолжене перевысшат вычислены проценты в пропорции до вартости их маєтку, а в господарствах группы Б.—75 0/0 то до посідача таких маєтков мае ся примінити переписы о поступованю угодовом и ликвидацийном.

До постановления в ділах поступованя укладового и ликвидацийного ятт покликаний Вовводскый Уряд роземчий.

Дальше уряд роземчий на поставлене внесение заинтересованой стороны т. е. должника, посідача сельского господарства, котрой нибуд группы, або кредитора, постанавлят:

1) Ци долг яст рольничий,—до какой группы зачислят ся сельское господарство, коли повстал долг и кто побрал валюту.

2) в ділі заклада лихвы, усталаючи сумы надмірно побр. ны, або зарахованы за час от 1. січня 1927. р. и отчислят ся их от сум належных вірительови, если заклад лихвы не был уж розсліджений в поступованю судовом

3) в ділі понижения належных сум кредитора с тытула судовых, ексекуцийных и адвокатских коштов, понесеных кредитором, перевысшающих разом 20 0/0 сумы присужденной тытулом капитала и процентов долга.

Понижение тых коштов може наступити однак не низше як 20 0/0 присужденной сумы коштов. Кошты тоты не будут обнижены, если уросли по поводу злосливой діяльности должника.

4) в ділі узаная за несуществующи договоры аренды, предвстущи договоры продажи, або договоры продажи недвижимости земельной, заключены в ціли обезпечения або уплаты кредита, если с обставин діла можна предполагати, што кредитор дал кредит с наміренем завладіти тоту недвижимость.

5) в ділі понижения долга с тытула поділов родинных и наследственных, заключенных при господарствах сельских в часі от 1. січня 1926. р. до дня 1. липня 1932 р. Внесене о понижение дома с тытула поділов родинных може быти поставлене в продолженю 3 літ числячи от дня 28. жолтня 1934 р.

6) в ділі понижения долга с тытула решты ціны купна земельных недвижимостей, отже и в дорозі парцеляции, если ціна продажи за тоты недвижимости была усталена в часі от 1. січня 1926 до дня 1. липня 1932. р.

7) в ділі понижения державного чинша, если тот яст надмірный за период часу 24 місяцы, числячи от даты постановления, а также залежного чинша за период літ господарчих 1932/33 и 1933/34 и розложения на раты залежного чинша, належного ся за час от дня 1. липня 1933 р.

8) в ділі передтерминного розвязаня арендного договора в цілости, або в части за отвітным вынагородженем, если розвязане того буде конечным условием примінения закона с дня 12/3. 1933 о улекшению сплаты утяжливых собовязань, обтяжающих рольны господарства (Дн. 3. Ч. 55. с. р. 1933. пов. 423).

9) в ділі мнимости чинности правовой, котра становит тытул обезпечень ипотечных на земельной недвижимости, а также мнимости арендного договора земельной недвижимости.

10) в ділі освобождения кредиторов от отвітственности с тытула поруки.

Кромі обговоренных выше льгот для посідачей сельских господарств, прислугуючих с самого права, або с постановления роземчого уряда, постановление того признає господарам сельским:

А) право заплаты рольных долгов, перевысшающих суму 500 зл. вартостывыми паперами, котрых род и курс буде назначити Министр Финансов в порозумленю с Министром Рольництва и Реформ Рольных. Право сплаченя рольного долга вартостывыми паперами може быти внесене постановленем роземчого уряда в слідуєчих случаях:

1) Если долг повстал с тытула отшкодования.

2) Если роземчий уряд, увагляючи маєтковоє положеніе так должника, як и кредитора приде до передсвідченя, же способность платника и возможности господарчи должника позволяют ему заплатити долг готовыма грошми.

Б) право конверсии долгов рольных на долготерминный кредит в 4 1/2 0/0 листах заставных, сплачанных в продолженю 55 літ. Конверсия може быти примінена до долгов обезпеченых ипотеком договорном або суловом:

1) в господарствах группы А, Б, если долги містят ся в 50% отаксованя недвижимости

2) в господарствах группы Ц. о пространстві неперевысшающем 2000 гектаров, если долги містят ся в 40% отаксованя недвижимости.

3) в других господарствах группы Ц, если долги не перевысшають 30% вартости недвижимости.

Министр Финансов може в дорозі постановленя подвысшати проценты в высоті, означенной в попереднем огділі о точках 2 и 3, до высоты 50% отаксованя недвижимости.

Конверсия може быти примінена до рольных долгов ипотечно необезпеченых, если може быти дане обезпечение ипотечное. До переводжения конверсии управнены будут институты долготерминного кредита, котры вызначит Министр Финансов в дорозі постановленя.

Кошты конверсии поносит тот, котрый вносит о ей переведеніе.

Переписы постановления не относят ся до вірительности и долгов:

- 1) Скарба Державы.
- 2) Институтыи обезпечень общественных.
- 3) Союзов територияльного самоуправления
- 4) Институтыи кредитовых державных, коммунальных и прыватных а также до вірительности:

- а) с тытула договора о роботу
- б) с тытула договора о діло, заключеного с руководильником.

- в) с тытула алиментов, договоров о ренту, вымову и вымір.

Продолженіе наступит.

ЧУДО ТЕХНИКИ! НОВОСЫ АВТОМАТ-БРАУНИНГ 6 мм. автоматично вышмаряющий гильзы по выстрілі. Стріляти можна металловыма клями до ціли, або, шротом до птахов. Ладно оксидований, плоский и цілком безпечный. Оглушательный звук. ЦІНА ЗЛ. 6-95. 2 штуки зл. 13. Автомат на 8 куль зл. 18. Сотка куль зл. 3-75. Щотку до чизена додаєме даром. Не треба позво-



ления полиции. Высылає на писменне замовленіе за наложным платежом почтовым. Адресовати: Wytwór. Br. E. Jakubinski, Warszawa, Leszno, 60 Z. O.

Два миллионы подрубленных долларов.

В Америкі прилапала федеральна полиция одну женщину и 11 мужчин, котры от килькох літ подрубляла доллары. От долшого часу показовали ся подрублены доллары в великом количестві. Подрублены они были так добре, же трудно было розпознати их от правдивых. Аж недавно прилапала полиция одну елгантску женщину, котра почтом достала великий пакунок с новыма долларами. Женщина выдала своих товаришей. По обчисленю сума подрубленных долларов вынесит около 2 миллионы долларов.

Югославия грозит Венгрии войном.

Официальна газета югославского правительства „Време“ пише, што Югославия отнесла ся до Лиги Народов в ділі убийства короля Александра. Югославия в своей ноті робит тяжкы обвиненя под адресом Венгрии и жадає удовлетвореня. „Време“ пише дальше, што в случаю, если Лига Народов не даст Югославии жаданого удовлетвореня, то Югославия буде приневолена добити ся того войном. Тому то великы державы и секретариат Лиги Народов повинны добре призадумати ся над положенем, бо річ иде о оясности держав и о европейском спокою.

Француска нота Польші

по поводу восточного пакта.

Агенция Гаваса доносит, што в часі переговоров министры Ляваля с советским уполномоченным Розенблумом обговорено советско-французскы отношения и проект восточного пакта. В звязи с тым правительство французске приготавлиє ноту, котру має выслати до Варшавы. Тота нота має містити в собі отвѣт французского правительства на заявлене министра Бека, вручене ище покойному министру Барту в часі послѣдней сессии Лиги Народов.

В Румынии арестовано 12.000 людей.

От долшого часу власти румынскы звернули увагу на велике число иностранцев, котры беззавно достали ся до Румынии. Власть начали подозривати, што меже тима людьми находят ся также люди замешаны в ділі убийства короля Александра. Справедженно отже до Бухареста много войска и дня 14 листопада окружено місто и переведено ревизии, в часі котрых арестовано 12.000 людей с чужих краев. Меже арестованыма было 8.000 людей таких, котрых паспорта были не в порядку. Сут то переважно члены организации террористических македонских и хорватских.

Што чути в світі.

ФРАНЦИЯ наміраєт выслати вышитых чужих работников. До того часу выслено уж 700 тысяч, але рішено высылати дальше, бо во Франции ест ище 366.000 французов, котры не мають работы.

В Испании арестуют дальше катальонских революционеров. Устранено там также чотырох генералов с армии и выдано приказ арестованя килькох высших офицеров.

Рим перерве отношения с Литвом.

Отношения меже Литвом и Ватиканом в послѣдних часах сут так заострены, што заходит опасность цілковитого перерваня. Уж раз перед чотырма роками отношения тоты довели до выдаленя папского нунция Мгр. Бартолини. От того часу на Литві был лем агент папский, котрый мал запобічи цілковитому перерваню отношений, однак тепер не удало ся ему удержати тоты отношения. В звязи с тым выхал до Рима полевый епископ и архиепископ Сивирейкас.

В БЕЛЬГИИ правительство поставило проект, штобы обнижити о 5% пенсии всім урядникам.

В ЧЕХОСЛОВАКИИ выкрыто великы надужитя и ошуща при доставах товаров министерству комуникации. На терені моравско-шлеском переслухано в той справі понад 80 людей.

НА САХАЛИНИ, на ріці Тымі появили ся великы массы жемчужных (перловых) мушель на пространстві понад 100 км. Количество тых шкарлупняков, котры мають в собі маленькы жемчугы доходит місцями до 400 на 1 метрі квадратном.

В Середней Азии в узбекистанской области России найвысший суд засудил на смерть шестох селян за надужитя при державных доставах баволны. Крім того значне число селян засужено на кару от 3 до 10 літ.

В Клярсбур ударил гром в хату, в котрой было больше людей и убил 61. люда.

Скандинавскы державы утвердили военный блок. Блок тот, як пише московска „Правда“ ест утвержденый на приказ с Берлина и ест направленный против России.

В Америкі, в долині Сан Фернандо упал аероплян, котрый разбиь ся. Згинуло 6 людей.

В Греции, в Афинах в часі коммунистической манифестации пришло до схаткы с националистами. Интервенировала полиция. Ранено 30 коммунистов, 20 националистов и 4 полициянтов.

Хотіли увязнити президента Австрии. Перед войсковым судом во Відни отбуде ся процес против двом братьям Отт, котры хотіли дня 25. липня т. р. увязнити президента Австрии Микляша, штобы приневолити его до именования Ринтелена канцлером. Полиция арестовала их и перешкодила в переведеню того наміреня.

В Будапесті уряджено по поводу 22 літної рочницы уродин архиякнзя Оттона бенкет. В звязи с тым група молодежи противгабсбургской организовала манифестацию против Габсбургам и бенкетови. Полиция стерегла дом редут, где уряджено бенкет, котрый отбыл ся без перешкоды. Четверо людей, котры хотіли повисити на домі куклу, арестовано.

В Америкі зас штрайк в промыслі шолковоткацком приберат остры формы. До тепер штрайкує 15000 работников в прядильні штучного шёлка, але 21. т. м. мають прилучити ся до них также работники с фабрик шолковых выробов.

На Филиппинах, островах належачих до Америки на Тихом Оксані воздушна труба поребила страшны шкоды. Вода выгнана страшным вітром с моря затопила село и поинищала дома. Тысячи людей стратили дах и 225 утратили житє.

В Англиях уж от килькох дней ест так густа гма, же на 8 метров нич не видно. Гма перешкаджат сильно комуникации полевой и желізнодорожной. Таксамо кораблі курсуют через канал дуже нерегулярно.

В Варшаві—в кавярні Адрии бавил ся весело американский богач Шенсен, котрый платил за вышитых што были там вино и шампан, а кассиркам дал по 1000 злотых и кельнерам по 100 злотых.

Найліпше и найдешевше

може каждый фурман заосмотрити ся в потребный для себе товар як олово, сіно, січку, омары, подковм, иллицы в своем руском „Фурманском Кооперативі“, котрый находит ся в Крыніці. Здрою в домі г. Назара Громосяка коло різнї.

Найліпши условия асекурацийны

дає

Асек. Товариство
ВИТА-КРАКОВСКЕ
во Львові.



Оно спомагат также наши товариства.
Информации уділят редакция „Лемко“.

Комунальна Каса Ошадности в Крыніці

принимат вклады и платит высокий процент. Уділят также позичок на добрых условиях!